

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U KALESIJI
Broj; 029-0-Su-23-000344
Kalesija, 29. 09. 2023. godine

Na osnovu člana 31. Zakona o sudovima u Federaciji Bosne i Hercegovine (Službene novine Federacije Bosne i Hercegovine broj: 38/05, 22/06, 63/10, 7/13, 52/14 i 85/21), člana 16 Pravilnika o unutrašnjoj organizaciji i sistematizaciji radnih mjesta u Općinskom sudu u Kalesiji, člana 18. stav (1) tačka b) Kriterija za ocjenjivanje rada sudija u Bosni i Hercegovini (Službeni glasnik Bosne i Hercegovine broj 85/22) a u vezi sa članom 8., Uputstva za primjenu kriterija za ocjenjivanje rada predsjednika sudova u Bosni i Hercegovini i Kriterija za ocjenjivanje rada sudija u Bosni i Hercegovini, predsjednik Općinskog suda u Kalesiji, d o n o s i

KRITERIJE
za dodatne parametre za ocjenjivanje sudija
u Općinskom sudu u Kalesiji

Član 1.

Ovim Kriterijima se utvrđuju dodatni parametri za ocjenjivanje sudija u Općinskom sudu u Kalesiji (u daljem tekstu: Kriteriji) kojima će se predsjednik suda rukovoditi prilikom provođenja postupka ocjenjivanja, odnosno način utvrđivanja ocjene za element "Ažurnost rada" - Parametar b) - Blagovremenost u izradi sudske odluke i donošenju naredbe za otpremu sudske odluke i poštivanje zakonskih rokova u zakazivanju i nastavcima pretresa/rasprava iz člana 18. stav (1) Kriterija za ocjenjivanje rada sudija.

Član 2.

Predsjednik suda će sudiji za element "Ažurnost rada" - Parametar b) iz člana 18. stav (1) Kriterija za ocjenjivanje rada sudija, dodijeliti dodatne bodove kako slijedi:

1. Sudija koji je u najviše 10 predmeta po referatu (a sudije ovog suda rade na svim referatima) prekoračio rok za izradu sudske odluke, a koji se ne mogu označiti kao razlozi objektivne prirode i rok za donošenje naredbe za otpremu sudske odluke, a prekoračenje za izradu sudske odluke nije duže od 30 dana - do 2 boda, uzimajući u obzir i broj donesenih i izrađenih odluka u period ocjenjivanja na referatima na kojima ocjenjivani sudija radi,

2. Sudija koji je 60% ili više predmeta riješio u predvidivom roku - 1 bod, uzimajući u obzir i broj zaduženih predmeta sudije u periodu ocjenjivanja,

3. Sudija koji je u 60% ili više predmeta riješio na svim referatima na kojima radi koje je riješio u izvještajnom periodu poštovao zakonske odredbe o rokovima u zakazivanju i nastavcima ročišta/pretrisa/rasprava - 1 bod, uzimajući u obzir i broj zaduženih predmeta sudije u periodu ocjenjivanja. Prilikom dodjele boda vodit će se računa da sudije moraju usaglašavati termine predmeta i ročišta sa punomoćnicima i braniocima, i to se sudijama neće uzimati kao neopravdan razlog za prekoračenje zakonskog roka za odgađanja i odlaganje pretresa i ročišta.

4. Sudija koji je u 80% ili više riješenih predmeta na svim referatima na kojima radi pravilno u CMS-u iskazivao predmet završenim - 1 bod.

Član 3

Za provjeru tačnosti parametara iz člana 2. pod tačkom 1., 2., 3. i 4., biće korišćeni statistički izvještaji.

Član 4.

Predsjednik suda će ocjenu rada, po dodatnim parametrima, unijeti u obrazac za ocjenjivanje sudije uz navođenje izvora informacija koji su korišćeni pri donošenju odluke o dodjeli odgovarajućeg broja bodova.

Član 5.

Utvrđeni Kriteriji stupaju na snagu danom donošenja

Član 6.

Kriterije objaviti na web. stranici Općinskog suda u Kalesiji.



Predsjednik suda

Dražena Pejanović
Dražena Pejanović